

諾

皋

記

段成式撰

中華書局

BWT1/1197/1002

諸
事
記

此 據 龍 威 祕 書 本
影 印 初 編 各 叢 書
僅 有 此 本

諸事記引

夫度朔司刑可以知其情狀葆登堂祀將以著於感通
有生盡幻遊魂爲變乃聖人定璇璣之式立巫祝之官
考乎十艸之祥正乎九黎之亂當有道之日鬼不傷人
在觀德之時神無乏主若列生言龍下之駒援莊生言
戶內之雷霆楚莊爭隨見而禍移齊桓觀麥蛇而病愈
微祥變化無日無之在乎不傷人不乏主而已成式因
覽歷代怪書偶疏所記題目諸事記衍談鄙俚與言風
波不足以辯九閻之象廣七車之對然游息之暇足爲

鼓吹耳唐太常少卿臨淄柯古跋成式撰

諸臯記

唐 段成式撰

崑崙之墟帝之下都百神所在也

太一君諱臯天秩萬二千石

天翁姓張名堅字刺渴涇陽人少不羈無所拘忌常張羅得一白雀愛而養之夢天劉翁責怒併欲殺之白雀輒以報堅堅設諸方待之終莫能害天翁遂下觀之堅盛設賓主乃竊騎天翁車乘白龍振策登天天翁乘餘龍追之不及堅旣到元宮易百官杜塞北門封白雀爲

上卿侯改白雀之亂不產於下土劉翁失治徘徊五岳
作災堅患之以劉翁爲太山太守主生死之籍

北斗魁第一星神名曰執

一曰

陰第二星曰暗

一作

第三星曰視金第四星曰拒

一作

理第五星曰防

六星曰開寶第七曰招搖

一曰

東王公諱倪字君明天下未有人民時秩二萬六千石

佩雜色綬綬長六丈六尺從女九千以丁亥日死

西王母姓楊諱回治崑崙西北隅以丁丑日死一日婉

姸

竈神名隗狀如美女又姓張名單字子郭夫人字卿忌

有六女皆名祭

一作祭

洽常以月晦日上天白人罪狀大

者奪紀紀三百日小者奪算算一百日故爲天帝督使
下爲地精祀丑日日出卯時上天禺中下行署此日祭
得福其屬神有天帝嬌孫天帝大夫天帝都尉天帝長
兄砌上童子笑上紫官君太和君玉池夫人等一日竈
神名壤子也

河伯人面乘兩龍一曰冰夷一曰馮夷又曰人面魚身

金匱言名馮循

一作修

河圖言姓呂名夷穆天子傳言

無夷淮南子言馮遲聖賢記言服八石得水仙抱朴子

曰八月上庚日湯河

甲子神名弓隆欲人水內呼之河伯九千導引入水不

溺

甲戌神名執明呼之入火不燒

太真科經說有鬼仙丙戌日鬼名龍生丙午日鬼名

挺張乙卯日鬼名天臨戊午日鬼名耳迷壬戌

日鬼名遼辛丑日鬼名迷乙酉日鬼名聶左丙

辰日鬼名天進辛卯日鬼名懸西酉鬼名髮迷迷

厠鬼名項天竺

一日

語忘敬遺三鬼名婦人臨產

呼之不害人長三寸三分上下烏衣馬鬼名賜蚰

鬼名例石圭

一日

井鬼名瓊衣服鬼名甚證神

茶鬱壘領萬鬼舊雜詞曰印作食凶狒胃食虎雄伯食

魅騰蘭

一日

食祥攬

一日

諸食咎伯倚食夢強梁祖名

共食礫

一日

死寄生窮奇騰根共食蠱王延壽所夢有

遊光

巢穀

諸渠

印堯

夔瞿

傖癡

將劇

摘脉

堯峴寺

一日堯峴寺

吐火羅國縛底野城古波斯王烏瑟多習之所築也王

初築此城高三三尺卽壞歎曰吾應無道天令築此城不成矣有小女名解息見父憂悲問曰王有隣敵乎王曰吾是波斯國王領千餘國今至吐火羅國中欲築此城垂功萬代既不遂心所以憂耳女曰願王無憂明且令匠視我所履之跡築之卽立王異之至明女起步西北自截右手小指遺血成蹤匠隨血築之遂日轉蹤匠女遂化爲海神其海神至今猶在堡子下澄清如鏡厠五百餘步

古龜茲國王阿王兒者有神異力能降伏毒龍時有賈

人買市入金銀寶貨至夜中錢並化爲灰境內數百家皆失金寶王有男先出家成阿羅漢果王問之羅漢曰此龍所爲龍居北山其頭若虎今在某處眠耳王乃易衣持劍蹀躞出至龍所見龍卧將欲斬之因曰吾斬寐龍誰知吾有神力遂叱龍龍驚起化爲獅子王卽乘其上龍怒作雷聲騰空至城北二十里王謂龍曰爾不降當斷爾頭龍懼王神力乃作人語曰勿殺我我當與王乘欲有所向隨心卽至王許之後常乘龍而行

乾陀國昔有王神勇多謀號伽當色伽當討襲諸國所

向悉降至五天竺國得上細線一條自留一與妃妃
因衣其線謂王線當妃乳上有鬱金香手印跡王見驚
恐謂妃曰爾忽著此手跡之服何也妃言向王所賜之
線王怒問藏臣藏臣曰線本有是非臣之咎王追商者
問之商言南天竺國娑毘婆恨王有宿願每年所賦細
線並重疊積之手染鬱金拓於線上千萬重手印悉透
丈夫衣之手印當背婦人衣之手印當乳王令左右披
之皆如商者言王因叩劍曰吾若不以此劍為娑毘婆
恨王手足無以寢食乃遣使就南天竺國索此劍娑毘婆恨

王手足使至其國，娑訶婆恨王與羣臣，給報曰：我國雖有王名娑訶婆，恨原無王也。但以金爲王，設於殿上，凡統領教習在臣下耳。王遂起象馬兵，南討其國。其國隱其王於地窟中，鑄金人來迎伽色伽王，知其僞且自恃福力，因斷金人手足。娑訶婆恨王於窟中，手足亦自落也。

齊郡接歷山，上有古鐵鎖，大如人臂，繞其峯，再浹相傳。木海中，山神好移故海神鎖之，挽鎖斷飛來於此矣。太原郡東有崖山，天旱，工人常燒此山以求雨，俗傳崖

山神娶河伯女故河伯見火必降雨救之今山上多生水草

華不注泉齊頃公取水處方圓百餘步北齊時有人以繩千尺沉石試之不窮石出赤如血其人不久坐事死荆州永豐縣東鄉里有卧石一長九尺六寸其形似人而舉體青黃隱起狀若雕刻境若旱便齊手一作祭元齊字而舉之小舉小雨大舉大雨相傳此石忽見於此本長九尺今加六寸矣

荆之清一曰水宛一日口傍義興十二年有兒基浴此

水忽然岸側有錢出如流沙因竟取之手滿置地隨復去乃衣襟結之然後各有所得流錢中有銅車以銅牛牽之勢甚迅速諸童奔逐掣得車一脚徑可五寸許偕鼻轂有六幅通體青色轂內黃銳狀如常運於時沈敬一作守南陽求得車脚錢行時貫草輒便停破竟不知所終往

虎窟山相傳燕建平中濟南太守胡諮於此山窟得白虎因名焉

烏山下無水魏末有人掘井五丈得一石函函中得一

龜大如馬蹄積於五枝於兩傍復掘三丈遇盤石下有
水流洶洶然遂鑿石穿水北流甚駛俄有一船觸石而
上匠人窺船上得一杉木板板刻字曰吳赤烏二年八
月十日武昌王子義之船

平原縣西十里舊有杜林南燕太上時有邵敬伯者家
於長白山有人寄敬伯一函書言我吳江使也今吾通
問於濟伯今須過長白幸君爲通之仍致敬伯但於杜
林中取樹葉投之於水當有人出敬伯從之果見人引
入敬伯懼水其人令敬伯閉目似入水中豁然宮殿宏

麗見一翁年可八九十坐水精床發函開書曰裕興超
滅侍衛者皆圓眼目田胃敬伯辭出以一刀子贈敬伯
曰好去但持此刀當無水厄矣敬伯出還至杜林中而
衣裳初無沾濕果其年宋武帝滅燕敬伯三年居兩河
間夜中忽大水舉村俱沒唯敬伯坐一榻牀至曉着岸
敬伯下看之乃是一人龜一日也敬伯死刀子亦失世
傳杜林下有河伯冢

臨清有妬婦津相傳晉大始中劉伯玉妻段氏字明
光性妬忌伯玉常於夜前誦洛神賦語其妻曰娶婦得